

**244**

Na osnovu poglavlja V, odjeljka B, člana 45 tačka c. te člana 47. Ustava Hercegovačko-neretvanskog kantona, donosim

## **U K A Z**

### **O proglašenju Zakona o izmjenama i dopunama Zakona o sudovima**

Proglašava se Zakon o izmjenama i dopunama Zakona o sudovima koji je donijela Skupština HNK na sjednici održanoj 25. februara 2003. godine.

Broj: 01/I-02-17/03  
Mostar, 01.04.2003. god.

ZAMJENIK GUVERNERA  
Šefkija Džiho, s.r.

## **ZAKON**

### **O IZMJENAMA I DOPUNAMA ZAKONA O SUDOVIMA HERCEGOVAČKO-NERETVANSKOG KANTONA**

#### **Član 1.**

U Zakonu o sudovima ("Službene novine Hercegovačko-neretvanskog kantona", broj 6/00) član 27. stav 1. mijenja se i glasi:  
"Sudovi u Kantunu su općinski sudovi i kantonalni sud."

Član 27. stav 2. briše se.  
Dosadašnji stav 3. postaje stav 2.

#### **Član 2.**

Član 28. mijenja se i glasi:  
"Općinski sudovi osnivaju se za područje jedne ili više općina."

#### **Član 3.**

Član 32. mijenja se i glasi:  
"Općinski sud je nadležan:

*1. U krivičnim predmetima:*

- a) suditi u prvom stepenu:
  - za krivična djela za koja je zakonom predviđena kao glavna kazna novčana kazna ili kazna zatvora do deset godina, ako posebnim zakonom nije određena nadležnost drugog suda;
  - za krivična djela za koja je posebnim zakonom određena nadležnost općinskog suda;
- b) voditi sve krivične postupke protiv maloljetnika;
- c) provoditi istragu i pojedine istražne radnje za krivična djela iz svoje nadležnosti;
- d) odlučivati o žalbama protiv rješenja istražnih sudija općinskog suda;
- e) odlučivati o brisanju osude i prestanku mjera bezbjednosti i pravnih posljedica osude, na osnovu sudske odluke;
- f) davati mišljenje povodom podnesenih molbi za pomilovanje;

*2. U građanskim predmetima:*

- a) suditi u prvom stepenu:
  - u svim građanskim sporovima, ako zakonom nije drugačije određeno;
  - u vanparničnom postupku.

*3. U drugim predmetima:*

- a) suditi u prvom stepenu privredne prestupe;
- b) provoditi postupak stečaja, prinudnog poravnjanja i redovne likvidacije, u skladu sa zakonom;
- c) rješavati u posebnim postupcima, ako zakonom nije drugačije određeno;
- d) obavljati zemljišno-knjizične poslove, ako zakonom nije drugačije određeno;
- e) određivati i provoditi izvršenja i obezbjeđenja, ako zakonom nije drugačije određeno;
- f) pružati pravnu pomoć sudovima u Bosni i Hercegovini;
- g) vršiti poslove međunarodne pravne pomoći, ako zakonom nije određeno da neke od tih poslova vrši kantonalni sud;
- h) vršiti druge poslove određene zakonom."

#### **Član 4.**

Iza člana 32. dodaje se novi član 32a. koji glasi:

"Član 32a.

Općinski sud u kojem se osniva privredno odjeljenje u skladu s članom 47a. ovog zakona, isključivo je nadležan za područje cijelog Kantona:

## 1. suditi u prvom stepenu:

- a) u sporovima koji se odnose na prava i obaveze po osnovu pravnog prometa roba, usluga, vrijednosnih papira, vlasničkih i drugih stvarnih prava na nekretninama, te na prava i obaveze proistekle iz vrijednosnih papira, u kojima su obje stranke u postupku pravna osoba ili fizička osoba koja, u svojstvu samostalnog poduzetnika ili drugom svojstvu, obavlja privrednu ili drugu registrovanu djelatnost u vidu osnovnog ili dopunskog zanimanja;
- b) u sporovima koji se odnose na brodove i na plovidbu na moru i unutrašnjim vodama, te u sporovima na koje se primjenjuje plovidbeno pravo, osim sporova o prevozu putnika;
- c) u sporovima koji se odnose na avione, te u sporovima na koje se primjenjuje vazduhoplovno pravo, osim sporova o prevozu putnika;
- d) sporove iz autorskog prava, srodnih prava i prava industrijske svojine;
- e) sporove nastale povodom djela za koja se tvrdi da predstavljaju nelojalnu konkureniju ili monopolistički sporazum;
- f) privredne prestupe.

2. provoditi postupak stečaja, prinudnog poravnjanja i redovne likvidacije, u skladu sa zakonom, kao i suditi u prvom stepenu u svim sporovima koji nastanu u toku i povodom provođenja postupka stečaja, prinudnog poravnjanja i redovne likvidacije."

**Član 5.**

Član 35. mijenja se i glasi:

"Kantonalni sud je nadležan:

1. *Prvostepena nadležnost*

- a) suditi u prvom stepenu za krivična djela za koja je zakonom predviđena kazna zatvora preko deset godina ili dugotrajni zatvor, ako zakonom nije određena nadležnost drugog suda;
- b) provoditi istragu i pojedine istražne radnje za krivična djela iz svoje nadležnosti;
- c) odlučivati o tužbama protiv konačnih upravnih akata u upravnom sporu, kao i o zahtjevima za zaštitu sloboda i prava utvrđenih ustavom, ako su takve slobode i prava povrijedeni konačnim pojedinačnim aktom ili radnjom službene osobe u organima uprave, odnosno odgovorne osobe u preduzeću, ustanovi ili drugoj pravnoj osobi, kada za zaštitu tih prava nije obezbijedena druga sudska zaštita, ako posebnim zakonom nije određena nadležnost drugog suda.

2. *Drugostepena nadležnost*

- a) odlučivati o žalbama protiv odluka općinskih sudova;
- b) odlučivati o žalbama protiv rješenja istražnih sudija kantonalnog suda;
- c) da odlučuje o drugim redovnim i vanrednim pravnim lijekovima, ako je to određeno zakonom.

3. *Ostalo*

- a) rješavati o sukobu mjesne nadležnosti između općinskih sudova sa područja Kantona;
- b) odlučivati o prenosu mjesne nadležnosti sa jednog općinskog suda na drugi općinski sud na području Kantona;
- c) odlučivati o brisanju osude i prestanku mjera bezbjednosti i pravnih posljedica osude, na osnovu sudske odluke;
- d) davati mišljenje povodom podnesenih molbi za pomilovanje;
- e) voditi registar pravnih subjekata, u skladu sa zakonom;
- f) rješavati o priznavanju odluka stranih sudova, stranih trgovачkih sudova i stranih arbitraža;
- g) pružati međunarodnu pravnu pomoć u krivičnim predmetima;
- h) vršiti druge poslove određene zakonom."

**Član 6.**

Član 38. mijenja se i glasi: Član 38. mijenja se i glasi:  
"Općinski sudovi su:

1. Općinski sud u Mostaru za područje općina Mostar-Stari grad, Mostar-Sjever, Mostar-Jugoistok, Mostar-Zapad, Mostar-Jugozapad, Mostar-Jug, Ćitluk i za područje Centralne zone Grada Mostara.
2. Sjedište Općinskog suda u Mostaru nalazi se u Centralnoj zoni Grada Mostara;
3. Općinski sud u Konjicu za područje općina Konjic, Jablanica i Prozor-Rama;
4. Općinski sud u Čapljini za područje općina Čapljina, Stolac, Neum i Ravno."

**Član 7.**

Iza člana 47. dodaje se novi član 47a. koji glasi:

**"Član 47a.**

U Općinskom sudu u Mostaru osniva se privredno odjeljenje."

**Član 8.**

Postojeći Općinski sud u Mostaru I, Općinski sud u Mostaru II, Općinski sud u Čitluku i Sud za Centralnu zonu Grada Mostara spajaju se i čine Općinski sud u Mostaru iz člana 6. ovog zakona.

Postojeći Općinski sud u Konjicu, Općinski sud u Jablanici i Općinski sud u Prozor-Rami spajaju se i čine Općinski sud u Konjicu iz člana 6. ovog zakona.

Postojeći Općinski sud u Čapljini, Općinski sud u Stocu i Općinski sud u Neumu spajaju se i čine Općinski sud u Čapljini iz člana 6. ovog zakona.

**Član 9.**

Sudovi koji se spajaju prema odredbama ovog zakona nastavljaju sa radom dok novoosnovani sudovi iz člana 8. ovog zakona ne počnu sa radom u skladu sa stavom 2. ovog člana.

Novoosnovani sudovi iz člana 8. ovog zakona počinju sa radom nakon imenovanja sudske poslovne jedinice u sudu, na dan koji odredi Visoko sudska i tužilačko vijeće Federacije Bosne i Hercegovine (u dalnjem tekstu: Visoko sudska i tužilačko vijeće).

**Član 10.**

Danom početka rada, novoosnovani sud iz člana 8. ovog zakona preuzima predmete, registratorski materijal i arhivsku građu sudova koji se spajaju u taj sud.

Sudska dokumentacija i materijali iz stava 1. ovog člana dostavljaju se novoosnovanom sudu bez odlaganja, a najkasnije u roku od 15 dana od dana početka rada novoosnovanog suda.

**Član 11.**

U predmetima u kojima je odredbama iz čl. 3, 4, 5. i 7. ovog zakona izmijenjena nadležnost, a u kojima je do dana početka primjene ovih odredbi, utvrđenog članom 17. ovog zakona, pokrenut postupak, ali nije donesena prvostepena odluka, odlučuje nadležan sud u skladu sa ovim zakonom.

Spisi predmeta iz stava 1. ovog člana dostaviti će se nadležnom sudu bez odlaganja, a najkasnije u roku od 15 dana od dana početka primjene odredbi članova iz st. 1. ovog člana.

Po žalbi u predmetima u kojima je odredbama čl. 3, 4, 5. i 7. ovog zakona izmijenjena nadležnost i u kojima je do dana početka primjene ovih odredbi donesena prvostepena odluka, odlučuje nadležan sud prema ranijim odredbama o stvarnoj nadležnosti.

Predmeti u kojima je odredbama čl. 3, 4, 5. i 7. ovog zakona izmijenjena nadležnost, a u kojima je, nakon početka primjene ovih zakonskih odredbi, po žalbi ili vanrednom pravnom lijeku odluka ukinuta i predmet vraćen na ponovni postupak, riješit će se u skladu sa ovim zakonom.

Radnje što ih je proveo ranije nadležni sud (uviđaj, vještačenje, saslušanje svjedoka i dr.) i odluke koje je donio taj sud, nisu bez važnosti zato što ih je preuzeo odnosno donio taj sud i ne moraju se ponovo provoditi.

**Član 12.**

Vlada Federacije Bosne i Hercegovine ovlašćuje se nakon konsultacija sa Vladom Kantona, donjeti Odluku o prenosu prava na sudskim zgradama za koje Kantonalno ministarstvo pravosuđa, uprave i lokalne samouprave pravde utvrdi, da zbog spajanja sudova iz člana 8. ovog zakona, više nisu potrebne sudovima u Kantonu.

**Član 13.**

Svi zaposlenici spojenih sudova iz člana 8. ovog zakona koji su na dan početka rada novoosnovanog suda bili u radnom odnosu, imaju prava i obaveze propisane Zakonom o radnim odnosima i plaćama službenika organa uprave u Federaciji Bosne i Hercegovine ("Službene novine Federacije Bosne i Hercegovine" broj 13/98).

**Član 14.**

Federalno ministarstvo pravde ovlašćuje se da, nakon konsultacija sa Ministarstvom pravosuđa, uprave i lokalne samouprave Kantona, donese propise kojima pobliže uređuje način spajanja sudova iz člana 8. ovog zakona.

**Član 15.**

Odredbe drugih kantonalnih zakona i podzakonskih akata koje su u suprotnosti sa ovim zakonom prestaju da važe danom stupanja na snagu ovog zakona i usklađit će se sa ovim zakonom bez odlaganja.

**Član 16.**

Ovlašćuje se Federalno ministarstvo pravde da utvrdi kriterije za određivanje potrebnog broja zaposlenika u sudovima.

**Član 17.**

Odredbe čl. 3, 4, 5. i 7. ovog zakona počet će se primjenjivati na dan kada svi sudovi u Kantonu budu počeli sa radom, a koji će odrediti Visoko sudska i tužilačko vijeće.

**Član 18.**

Ovaj zakon stupa na snagu osmog dana od dana objavljanja u Službenom glasilu Hercegovačko-neretvanskog kantona.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
S K U P Š T I N A

Broj: 02-01-II-056/03  
Mostar, 25. februara 2003. godine

PREDsjEDNIK  
Omer Čevra, s.r.

**245**

Na osnovu poglavlja V, odjeljka B, člana 45 tačka c. te člana 47. Ustava Hercegovačko-neretvanskog kantona, donosim

**U K A Z**

**o proglašenju Zakona o kantonalmu  
tužilaštvu HNK**

Proglašava se Zakon o kantonalmu tužilaštvu kojeg je donijela Skupština HNK na sjednici održanoj 25. februara 2003. godine.

Broj: 01/I-02-18/03  
Mostar, 01.04.2003. god.

ZAMJENIK GUVERNERA  
Šefkija Džih, s.r.

**SLUŽBENE NOVINE****ZAKON**

**O KANTONALNOM TUŽILAŠTVU  
HERCEGOVAČKO-NERETVANSKOG  
KANTONA**

**I - OPĆE ODREDBE****Član 1.**

Kantonalno tužilaštvu (u daljem tekstu: Tužilaštvo) je samostalno državno tijelo koje, u okviru prava Hercegovačko-neretvanskog kantona (u daljem tekstu: Kanton) preduzima zakonom određene mјere u pogledu istražnih radnji i gonjenja lica za koje se sumnja da su počinili krivična djela i privredne prestupe, te vrši druge poslove određene federalnim i kantonalnim zakonom.

**Član 2.**

Tužilaštvu vrši svoju funkciju u skladu sa Ustavom Bosne i Hercegovine, Ustavom Federacije Bosne i Hercegovine i Ustavom Kantona, te na osnovu zakona Bosne i Hercegovine, Federacije Bosne i Hercegovine i Kantona.

**Član 3.**

U okviru svojih nadležnosti, Tužilaštvo štiti ostvarivanje ljudskih prava i građanskih sloboda koje garantuje Ustav Bosne i Hercegovine, Ustav Federacije Bosne i Hercegovine i Ustav Kantona, kao i ostvarivanje prava i interesa pravnih lica utvrđenih zakonom, te osigurava ustavnost i zakonitost.

**Član 4.**

Tužilaštvu se osniva i ukida zakonom.

**Član 5.**

- 1) Funkciju Tužilaštva obavlja glavni kantonalni tužilac (u daljem tekstu: glavni tužilac) i zamjenici glavnog kantonalnog tužioca (u daljem tekstu: zamjenici glavnog tužioca) i kantonalni tužioci (u daljem tekstu: tužioci).
- 2) Glavnog tužioca, zamjenike glavnog tužioca i tužioce bira i imenuje Visoko sudska i tužilačko vijeće Federacije Bosne i Hercegovine (u daljem tekstu: Visoko sudska i tužilačko vijeće).